## dutiyasaddhammasammosasuttam

- **0.** sāvatthinidānam
- pañcime bhikkhave dhammā saddhammassa sammosāya antaradhānāya samvattanti. katame pañca:
- idha bhikkhave bhikkhu dhammam na pariyāpu-2. nanti suttam geyyam veyyākaraṇam gātham udānam itivuttakam jatakam abbhutadhammam vedallam. ayam bhikkhave, pathamo dhammo saddhammassa sammosāya antaradhānāya samvattati.
- puna ca param bhikkhave, bhikkhu yathāsutam yathāpariyattam dhammam na vitthārena paresam<sup>1</sup> desenti. ayam bhikkhave, dutiyo dhammo saddhammassa sammosāva antaradhānāva samvattati.
- 4. puna ca param bhikkhave, bhikkhu yathāsutam vathāparivattam dhammam na vitthārena paresam vācenti. ayam bhikkhave, tatiyo dhammo saddhammassa sammosāya antaradhānāya samvattati.
- 5. puna ca param bhikkhave, bhikkhu yathāsutam vathāparivattam dhammam na vitthārena sajjhāvam karonti. ayam bhikkhave, catuttho dhammo saddhammassa sammosāya antaradhānāya samvattati.

<sup>&</sup>lt;sup>1</sup>param - machasam.

- **6.** puna ca paraṃ bhikkhave, bhikkhu yathāsutaṃ yathāpariyattaṃ dhammaṃ na cetasā anuvitakkenti, anuvicārenti, manasānupekkhanti. ayaṃ bhikkhave, pañcamo dhammo saddhammassa sammosāya antaradhānāya saṃvattati.
- 7. ime kho bhikkhave, pañca dhammā saddhammassa sammosāya antaradhānāya saṃvattanti.
- **8.** pañcime bhikkhave, dhammā saddhammassa ṭhitiyā asammosāya anantaradhānāya saṃvattanti. katame pañca:
- 9. idha bhikkhave bhikkhu dhammam pariyāpuṇanti suttam geyyam veyyākaraṇam gātham udānam itivuttakam jātakam abbhutadhammam vedallam. ayam bhikkhave, paṭhamo dhammo saddhammassa ṭhitiyā asammosāya anantaradhānāya saṃvattati.
- **10.** puna ca param bhikkhave, bhikkhu yathāsutam yathāpariyattam dhammam vitthārena paresam desenti, ayam bhikkhave, dutiyo dhammo saddhammassa ṭhitiyā asammosāya anantaradhānāya saṃvattati.
- **11.** puna ca paraṃ bhikkhave, bhikkhu yathāsutaṃ yathāpariyattaṃ dhammaṃ vitthārena paresaṃ vācenti,

ayam bhikkhave, tatiyo dhammo saddhammassa ṭhitiyā asammosāya anantaradhānāya saṃvattati.

- 12. puna ca param bhikkhave, bhikkhu yathāsutam yathāpariyattam dhammam vitthārena sajjhāyam karonti. ayam bhikkhave, catuttho dhammo saddhammassa ṭhitiyā asammosāya anantaradhānāya samvattati.
- 13. puna ca param bhikkhave, bhikkhu yathāsutam yathāpariyattam dhammam cetasā anuvitakkenti anuvicārenti manasānupekkhanti. ayam bhikkhave, pañcamo dhammo saddhammassa ṭhitiyā asammosāya anantaradhānāya saṃvattati.
- **14.** ime kho bhikkhave, pañca dhammā saddhammassa thitiyā asammosāya anantaradhānāya saṃvattantīti.